

平定兩金川方畧

十五

十
三
年
十
月
十
日

十
三
年
十
月
十
日

平定兩金川方略卷之二十八

五月辛丑。桂林明亮鐵保汪鵬龍奏言甲爾木
一路賊番佔住兩山路口。二十二日夜間。由山
脚潛來。偷劫營盤。官兵預有準備。放鎗合擊。乘
勢追殺斃賊五六十名。佔得石卡六處。查自約
咱以至達烏。綿長幾及百里。其白果洲。那隆。以
及甲爾木一帶。山巒起伏。數重橫亘。亦有數十

里之遙。勢居險要。均宜酌量留兵。且我兵愈進。則愈分。賊番愈退。則愈聚。而達烏以前。卽係僧

裕宗。地近賊巢。逆酋見我兵晝夜攻取。衛死更

切。因於緊要路口。悉衆相持。臣等現在飛催調

赴南路之陝甘兵三千名。迅赴軍營。以資調遣。

至革布竹咱地方。凡有路通金川之處。業經宋元俊留兵駐守。該鎮已回抵達烏。隨同會剿。奏

入報。

聞。

同日。

上諭軍機大臣曰。哈國興在滇。現無緊要事件。而此時官兵進討小金川。正需大員統率。著哈國興馳驛前赴溫福軍營。毋稍濡遲。

上又諭軍機大臣曰。舒常。永平。均授為領隊大臣。前

赴四川軍營。舒常派赴西路。永平派赴南路。

同日。阿爾泰。宋元俊奏言。竊見總督桂林。初抵

軍營。臣宋元俊稟辦進攻機要。尙見聽從。因得

連克約咱。卡了等處。詎數月以來。舉動乖張。前

日。臣宋元俊探聞金川發兵幫助小金川。欲從

革布什咱地方。繞截糧道。因與阿爾泰等相商。

先領兵收復革布什咱。金川已失革地。漸將所

幫小金川之兵撒回防守。臣宋元俊見機有可

乘因將從卡了攻取達烏。各路險易並進攻情
形詳細具稟。乃桂林並未省視。冒昧發兵。遂致
傷亡六百餘人。賴都司陳定國仍照原議領兵
從山後抄截。據其險要。賊番驚潰。遂得達烏。桂
林經此一番。自當稍知詳慎。乃不問賊情虛實。
道路險易。嚴督進兵。以至叅將薛琮手足無措。

臣

阿爾泰聞知。馳赴軍營。與桂林相商。見其毫

無定見。臣

宋元俊亦稟明道路險阻。不可率意

進攻。現在金川尚幫助小金川。必須駕馭綽斯

甲布及三雜谷各土司。發兵分搗金川。使之盡

撤所幫之兵以自衛。方可勦威小金川。已遣都

司李天佑。前往綽斯甲布督催。又派游擊沈寬

等。前往三雜谷調兵。稍緩數日。即可一舉集事。

桂林不加體察。卽於四月初六日夜大雨如注之時。催迫薛琮同侍衛將備等。帶領漢土官兵三千餘名。裹帶五日口糧。從墨壘溝進發。約定繞至前敵山梁接應夾攻。初八日桂林始與鐵保。汪騰龍等。行至前敵。略一進攻卽行退守。其墨壘溝遶進之兵。初九日已到前敵山梁。因礮卡堅固。未能壓下。而桂林祇令官兵隔河施放。

鎗礮。虛張聲勢。初十日。正當用兵緊急之時。桂
林先回卡了軍營。十二日。並將明亮鐵保。汪騰
龍撤回。以致薛琮被困。差人赴營稟稱糧盡。請
兵救援。桂林並未商及。作何援應。至十三日。薛
琮求救之信又至。始令都司廣著往救。而賊番
已據險要。萬難仰攻。隨見我兵浮屍蔽河而下。
救活數人。詢知侍衛章京八員。副將二員。參將

游擊各一員。都司三員。守備一員。千把三十餘員。兵丁三千餘名。始與賊番拒敵。繼而糧盡饑餒。力不能支。或被賊番遮去。或被石擊鎗傷。墮巖落水。全行覆沒。其脫圍而出者。僅有官兵二百餘名。巴旺。布拉克底。明正。土兵數百。臣等意

桂林必當悔過實

奏及見摺稿。乃以虛詞掩飾。卽如普寧六十一均

係派在墨壟一路。乃捏稱攻打木柵而亡。廣著
往救不及。乃捏稱合兵一處。佔據甲爾木山梁
等語。似此任情蒙混。已爲深負。

聖恩。况其自到卡了。絕不以軍務爲重。不住帳房。修
立房屋。居住。勒取屬員供應。與鐵保。汪騰龍。終
日酣飲。聞報全師覆沒。毫無惻憫之心。其在營
將備各員。莫敢進言。亦罕得見面。軍心憤怒。幾

至變生。且密令提督汪騰龍將銀五百兩交與
總兵王萬邦贖取小金川所遮官兵以圖掩飾。

查經臣宋元俊言如此損威失體萬不可行。汪騰

龍始遣兵拉塔爾取回。臣阿爾泰視此情形慮

有他變已札臣宋元俊抽撥防守草地官兵一

千分守卡子要隘。但我兵甫經失利而金川並
肆鴟張。諒綽斯甲布及三雜谷亦必觀望不前。

桂林如此舉動必致貽誤軍機。臣等若扶同狗

隱則自取罪戾更無可逭矣。奏入。

上諭軍機大臣曰。阿爾泰等奏桂林在軍營乖張捏

飾各情形。實出意想之外。已派福隆安馳驛前往

查審。並諭阿桂迅往南路辦理進兵之事矣。福隆

安未到之前。仍令桂林辦理。阿桂不可預有洩漏

但據奏桂林毫無定見。一切機宜恐不能措置恰

當現在進剿小金川。甚關緊要。阿爾泰受朕厚恩。且係舊時總督軍營之事。本無可諉。其卡子及章谷一帶。有應派兵防守者。急須妥辦。經理以防賊番抄截。至攻剿僧格宗一路。尤應相機速辦。阿爾泰不可推諉。因循致滋岐悞。至所奏兵心憤怨。恐致變生於事。更有關係。昨從後山進攻。官兵失利。人情未免驚惶。阿爾泰務須處以鎮靜。隨宜調劑。

勵衆心而弭事釁。

同日。

上諭軍機大臣曰。阿爾泰奏桂林各款。如修屋居住。

終日酣飲歡聚。及聞官兵覆沒。毫無惻憫之心。已

非情理所有。至密令汪騰龍交銀王萬邦。贖取小

金川所遮官兵一節。尤爲大謬。果如所言。則桂林

之罪更重。阿爾泰人老成所奏不當虛妄。且其

事關係甚大。非若色布騰巴爾珠爾等之偏袒五
岱。擄捨細故。劾奏溫福。可置不問者比。一經審實。
桂林卽當從重治罪。現在進剿機宜甚關緊要。阿
爾泰年力已衰。且平日未諳軍旅。帶兵進剿。不可
無專主之人。因思溫福一路。阿桂之外。尙有豐昇
額爲叅贊。著傳諭阿桂。速赴南路統兵。若阿桂先
到成都。卽在彼候福隆安到時同往。若福隆安已

過成都。阿桂速赴軍營。毋稍刻緩。桂林自簡用總督以來。屢次克捷。朕不料其出息若此。喜出望外。今阿爾泰奏到情節。又不料其荒唐若此。可駭亦出意外。而官兵傷亡過多。金川罪無可赦。索諾木之必當併勦。更不容緩。昨溫福一路。爲色布騰巴爾珠爾等所耽誤。方冀桂林進攻。僧格宗先能得手。今又不足恃。朕實深爲憤懣。溫福當迅速進攻。

立擒逆豎。

壬寅溫福色布騰巴爾珠爾豐昇額阿桂奏言

臣

等於十五日分派官兵攻擊賊番各寨至收

兵時先令侍衛額森特領兵伏於山坡之下然

後陸續收回賊衆復來尾襲伏兵突出截住麇

戰殺死二十餘賊餘皆受傷敗遁查東瑪大礮

在山脊之上其北峭壁深崖東西南三面雖係

偏坡。又有石卡五座。礮房十餘間。而牆外深濠之內。又刨穴放鎗守禦。如此拒守。實非礮力之所能及。臣豐昇額。臣阿桂議令額森特領兵於

十六日未明之前。先奪東瑪寨東北山脊上三卡。又令侍衛德赫布。總兵馬彪等。帶領綠營瓦寺土練等兵。預備三面。分奪礮卡。又於各處路口。分派官兵。堵截來援之賊。又派侍衛新達蘇。

將四位大礮。運至寨前轟擊。臣等親自指麾額

森特先奪取東北三卡。殺賊甚多。同時大礮。又將礮房擊碎。官兵齊聲吶喊。三面力衝而上。冒鎗直進。賊不能支。當殺死紅衣賊目二人。生擒一名。其餘盡皆勦洗。所有峰下礮卡。俱行拆毀。色爾渠別斯滿等處。約有三百餘賊。二次來援。俱被額森特等。督兵擊敗。殺死五十餘賊。惟東

瑪大碉築在山脊。賊番滾石放鎗。官兵屢次上攻。究未得手。至戌刻大雨滂沱。暫且收兵。查東

瑪色爾渠二寨。在美美卡之北。攔截鄂克什舊

寨東首山路。必將此二處奪取。始能攻鄂克什

舊寨。此時大礮擊破之處。賊於風雨昏黑之夜。

仍潛補葺。臣等於二十三日。先在東瑪相近之

地。設立木卡二座。駐兵三百名。又令額森特等



領兵六百名。伏於卡東山坡之下。是夜亥刻。先
有數賊。遠遠窺伺。守卡守備國興等。佯爲不知。
滅火等候。賊衆以爲我兵睡熟。至二十四日子
丑間。有三百餘賊。分爲二隊。一擁近前。我兵並
不聲張。暗從鎗眼裝鎗以待。俟其近卡對准一
齊施放。而額森特等所領伏兵。又卽羣起合攻。
賊番踉蹌敗走。所殲賊番昏夜不知其數。次早

見周圍地上血跡淋漓。約有四五十人。我兵並無傷損。現將大礮運往新卡轟擊。至投出鄂克什男女十六名。已取供詞。卽交該土司收管。奏入。

上諭軍機大臣曰。溫福等奏額森特擊敗尾襲賊番。殲斃東北來援賊衆。並奪取山峰下礮卡。國興靜候賊番來犯。猝起勦擊。殲戮多人。均爲出力奮勉。

額森特著補授頭等侍衛國興著賞給藍翎其出力及傷亡之官兵亦著溫福查明分別造冊送部議叙。

上又諭軍機大臣曰溫福等奏到脫出鄂克什番民錫喇卜供稱聞得南路大兵由西山進去欲截小金川甲爾木後路不意金川之兵潛從後路抄出將官兵截在中間圍困七日傷壞甚多其數目傳

說不一等語。是桂林派往西山進攻之兵。傷損甚多。桂林竟爾隱諱不奏。實為可駭。行軍接仗。傷亡亦所不免。設所傷無多。稍有粉飾。猶屬軍營偶有。是以前次降旨。桂林因侍衛等陣亡。自行請罪。尚予寬免。若竟至二三千眾。全軍覆沒。則關係甚大。乃亦匿不上聞。是因懼罪而轉涉於欺。致令死事者泯滅無由邀卹。良心何在。卽此一節。桂林之罪。

已爲不小。至官兵被圍七日。爲時甚久。桂林若於
薛琮初次告急時發兵策應。何至失挫若此。乃竟
視同膜外。以致官兵無援。陷歿。問之桂林。尙能置
喙乎。至向小金川贖回被搶之人。損國威而長賊
智。尤爲乖謬。又修屋居住。亦無此理。督兵進剿。自
當以前進爲期。從前訥親在軍營。卽以偷安正法。
桂林豈未聞知。試問桂林。朕待訥親多年恩眷。較

之桂林新加擢用者何如。訥親以大學士兼公爵，較彼新進之初任總督又何如。實不意其自蹈罪戾若此。至其狂妄驕縱，羣聚歡飲，不見將佐等事，皆其器小易盈，無福受恩所致。反爲小節矣。以上各情節，福隆安審實後，卽可按律從重定擬。將桂拏拏問，交阿爾泰嚴加看守。其總督印務，卽傳旨交阿爾泰署理。進兵之事，卽交阿桂專辦。福隆安

具摺奏聞。不必守候批示。卽赴行在復命。務於七月二十前後到熱河。昨因審案重大。不得不令其前往。但福隆安承管之事甚多。而土爾扈特郡王巴木巴爾等。到熱河時。並須親近大臣照料。福隆安斷不便久離朕前。諒福隆安亦所深知也。設或阿爾泰所奏全虛。西山損兵。不過數百。而張大其事。妄報三千。及交銀贖人一節。毫無影響。并賚銀

之拉塔爾亦屬子虛。則是宋元俊構詞誣陷。自當
奏明。請旨另辦。但就錫喇卜供詞。官兵傷損過多
之說。已有端倪。其餘諒亦不妄。未必是非顛倒。大
相懸絕。至於如此也。

同日。溫福。色布騰巴爾珠爾。豐昇額。阿桂。奏言。
第三次續調之陝甘兵三千名。現已陸續將抵
成都。接准桂林咨稱。南路現在攻打僧格宗。兵

力不敷。此次兵三千名應卽全赴南路。至第四
次奉

旨預備之陝甘兵。據文綬來咨。現經挑選精壯三千。

並揀派鎮將管領。俟川省咨調。卽行赴川。臣等

查現在攻勦南北兩山。分道進攻。自應厚集兵

力。所有陝甘預備之三千名。臣等移咨文綬。令

其飭帶六各鎮將。速卽起程。仍咨商桂林酌量

調用。奏入。

上諭軍機大臣曰。此次征勦小金川。調撥陝甘兵丁。其已到軍營及續報抵川者。共九千名。昨又諭文。綬將預備添調之三千名。亦卽前往。此時想已起程。現在兩路進勦。剋日掃穴擒渠。並乘勢併勦金川。尤當厚集兵力。以期一舉成功。陝甘兵素稱精練。近來派往者。頗能得力。且該二省兵額。共計七

萬六千餘名。自可再行酌撥。以資調遣。著文綬速於陝甘各營內。再選勇銳兵丁五千名。并慎揀堪以帶兵之大員及將弁等。照前預備。一俟川省咨取。星速起程。

同日。

上諭軍機大臣曰。川省兩路進剿。軍需關係緊要。前經兩次撥解六百萬兩。此時支用。自覺寬餘。但將

來。厚集兵力分路深入。所有備用之項當預爲通盤籌畫以裕軍儲。著阿爾泰卽將前項撥銀除支用外。現存若干酌量併勦金川一切需用。約畧若干逐一核計。迅速奏聞。

同日溫福色布騰巴爾珠爾豐昇額阿桂奏言。

前奉

諭旨。令選派熟諳番字者一人。由驛赴京備用。臣等

查維州協戰兵焦愈崇能通番語識漢字。但不

識番字。又維州協屯練阿爾嘉番字番語俱能

書寫通說。亦畧通漢語。而不識漢字。合兩人之

長。可備繙譯之用。謹令其起程赴京。但伊等所

通曉者。俱係三雜谷。兩金川。鄂克什。瓦寺一帶

之番語番字。不特與西藏不同。卽與木坪。明正

綽斯甲布各土司語言字義亦屬彼此各別。奏

入報

聞。

癸卯。

上諭軍機大臣曰。彰寶奏稱將海蘭察鄂蘭等分作兩隊回京。川省現在用兵。海蘭察等曾歷軍營。從

滇前往。白屬近便。著鄂蘭帶領長生保綏庫阿坦

保利保住。赴南路軍營。海蘭察帶領額爾登布塞

布騰庫伯赴西路軍營。分道過行。務期奮勉自効。
丙午。宋元俊奏言。四月二十六日。索諾木將墨
壟溝被遮之把總李朝林。並番稟一封。及現在
噶拉依之游擊寧祿一稟。從巴旺地方。交該土
婦。遣令番人送赴軍前。當卽譯出番稟。面請桂
林示下辦理。乃桂林但云。此事只言我不知道。
任汝去辦。隨有親筆劄囑。不得聲張。下一面譯

諭索諾木。嚴行申飭。所有該酋及寧祿原稟。並
桂林原札。一併恭呈。

御覽竊思金川幫兵助逆。桂林自墨壟溝失利之後。
至今並未與賊番對敵。復聞其於二十五日拜

發

奏摺。有攻奄石卡殺賊多人之語。任情捏飾。實爲
喪盡天良。奏入。

上諭軍機大臣曰。宋元俊奏一切應辦事宜。稟商桂林。不置可否。索諾木具稟送還。把總李朝林。桂林但云此事任你去辦。又親筆劄囑不得聲張。是桂林於傷損官兵一節。始旣諱匿。今復彌縫。已無疑義。且自前次失利以來。茫無主見。不復能發謀出慮。若仍令其以總督帶兵。俟福隆安審明再辦。不免耽延時日。於軍營必更貽悞。現已明降諭旨。將

桂林革職。其四川總督印務。令阿爾泰署理。阿桂
卽速馳往妥辦。其未到之前。一應軍務。阿爾泰責
無可諉。卽當催督將領。上緊籌辦。俟阿桂到彼。專
辦進兵。至糧餉等事。原係總督職分。阿爾泰往來
章谷一帶督辦。亦無不可。第軍旅本非所嫻。馳驅
亦非所習。衝鋒殺賊之事。原不責之於彼也。至索
諾木番稟。公然欲令僧格桑磕頭完事。且敢羈留。

內地官弁思易其被拘之喇嘛等。是其挾此要求。顯然抗拒。實係此事罪魁。更難歇手。索諾木倘將內地被留之人。送至軍營。藉以窺探。溫福等切勿意涉游移。惟將送回之人。及來人。一併留住。斷不可給發回文。庶使逆酋無從揣測。至寧祿身係滿洲。且爲游擊大員。非干總微弁可比。當進攻失挫。被賊遮留。自當明於大義。挺身罵賊。即使爲賊所

害亦必優加贈卹錄及其子。乃竟覲顏偷生。且求調出。甚屬無耻。若經送還。卽當解京治罪。其餘于把以下。尙可不加責備。或由賊中送回。仍留軍營効力。若守備以上。秩非微末。卽不應忍恥倖生。如有送回。不拘滿漢。並當革職解京究治。再據宋元俊奏前次陣亡副將二員。是該處現出有副將員缺。董天弼自革職以來。尙知奮勉。著阿爾泰卽令

補授副將。以觀後效。

丁未。

上諭軍機大臣曰。閱阿爾泰等原奏。從前由卡丫攻取達烏時。宋元俊曾將各路險易情形。具稟桂林。並不省視。致臨時號令不一。官兵傷亡六百餘名。願陳定國從山後抄截。始得達烏等語。因檢閱桂林等奏。攻得達烏一摺。止云兵練均各奮勉出力。

亦且傷損無多。并云傷亡官兵。查明照例辦理。並未奏及六百名之數。已屬心存欺飾。又據稱桂林派侍衛章京。同薛琮從墨壟溝山進發。約定繞至前敵山梁。接應夾攻。乃桂林與鐵保汪騰龍。於初八日至彼畧。一進攻。卽行退守。十二日。並將明亮鐵保汪騰龍撤回。是其節節貽誤之處。均不可不加窮究。至明亮等係帶兵大員。攻勦乃其專責。因

何畧攻卽退。并聽桂林撤回。鐵保本一無能爲之
人。汪騰龍亦深染綠營浮滑惡習。此二人原不足
恃。至明亮平日尙知勇往任事。世臣勲親。尤當以
國事爲念。乃亦不顧軍務緊要。惟憑桂林指揮。與
鐵保、汪騰龍等。旅進旅退。且見桂林乖張欺罔。並
不臚實密奏。隨同隱忍。是誠何心。以上各情節。著
福隆安逐一研訊。毋任絲毫遁飾。至汪騰龍以提

督統兵進剿見桂林如此乖謬亦不據實參奏豈
可復膺專閫著卽解任候審哈國興雖不免綠營
習氣其帶兵行走尙知出力昨已諭其迅速赴溫
福軍營聽用所有西安提督員缺卽著哈國興補
授。

己酉。

上諭軍機大臣曰前以續調之陝甘兵三千名經桂

林調赴南路。溫福處亦應再爲撥補。因令文綬將預備之三千名。卽赴西路軍營聽用。今文綬奏到。兵丁均已陸續進發。自可不日抵川。著溫福先期檄知帶兵之總兵李雲標等。令其徑赴西路聽候調遣。如兵丁赴川迅速。溫福可卽遵照前旨。各賞給一月錢糧。以示鼓勵。

...

...

...

...

...

...

...

平定兩金川方畧卷之二十九

五月辛亥溫福色布騰巴爾珠爾阿桂豐昇額

奏言竊查北山一路臣等自二十三日夜擊敗

賊番於附近賊碉處設立卡座將礮連往晝夜

轟擊因碉在峰上石墻堅厚賊復於峰下刨挖

深溝溝沿堆起大石爲卡臣等隨議令兵丁砍

伐雜樹作爲大捆遮身進取於四月二十九日

令侍衛德赫布。額森特。烏什哈達。佛倫泰等帶
兵伏於東瑪寨之南北二面。堵禦別斯滿。美美
卡等處來援賊番。又令侍衛彰。靄。總兵馬彪等
督率兵弁將所捆樹木。前向賊礮推滾。惟時大
礮及峰下溝穴中所藏賊衆。接連放鎗。官兵仍
迎冒直前。奮勇推上。相距大礮。僅餘二三丈。無
如爲溝所阻。因令官兵二面放鎗。一面將所推

木柵放火延燒。賊人驚竄走出溝卡外者。擊斃甚多。維時賊番從別斯滿北來者。約四百餘。從美美卡色爾渠南來者。約二百餘。合力救援。俱被額森特。德赫布等伏兵擊敗。殺傷五六十人。至口晚收兵。又有賊番百餘。從後追襲。彰靄馬彪。額森特等。率領殿後之兵。迴身奮擊。所殺亦多。五月初一日。有賊約六十餘。潛至附近官兵。

平定回疆方略卷之三十一
二
卡座之下額森特領兵迎面衝擊彰靄馬彪等
領兵從旁勦殺鎗擊箭射殺死二十餘賊其餘
中鎗帶箭者甚多自四月下旬以來雖連陰雨
雪_臣等仍領兵攻擊每日必殄數人但山峰高
險大礮難以拖曳而登前由中路大營運來者

皆三等平常之礮賊寨高堅不能摧破_臣等恐

大營運礮維艱一面於東瑪寨旁設立數卡將

礮運往晝夜轟擊。一面開設礮局。運銅趕鑄。賊
縱恃險死守。稍俟雨止天晴。大礮鑄就。所有東
瑪色爾渠美美卡等礮寨。必能克取。又南山一
路。副都統富勒渾。總兵牛天昇等。前於賊卡相
近地方。設立卡座。五月初二日戌刻。有賊番三
百餘。突前侵奪。官兵放鎗擲石。將賊擊敗。至初
三日子刻。雷雨大作。賊番又來侵襲。第二卡官

兵奮力迎擊。而第一第三卡官兵並出來攻。富勒渾等復領兵應援。賊始敗逃。初五日子刻。賊番五六十人來奪白山腰。接連河岸所築二卡。官兵在卡內放鎗抵禦。臣色布騰巴爾珠爾、豐昇額營中望見。立遣侍衛賡音素巴克、清阿等領兵接應。賊見官兵勢盛。亦即敗回。臣等思賊番向恃山險。礮堅。潛藏不出。專爲死守之計。今

知死亡在卽。反敢屢乘黑夜雨雪之時。驚擾官
兵卡座。更爲可恨。現在相機籌畫。竭力克取其
連日脫出鄂克什男婦三名。俱照前交該土司
色達克拉收管。又投誠小金川男婦二名。賞給
瓦寺出力土弁。奏入。

上諭軍機大臣曰。溫福奏奪取北山東瑪寨大碉情
形。摺內有賊番乘夜來搶沿河碉卡。色布騰巴爾

珠爾豐昇額差侍衛賡音素等帶兵應援殺退賊
衆等語。所辨非是。賊衆敢于夜半來搶碉卡。實爲
可恨。色布騰巴爾珠爾豐昇額望見卽應一面遣
人前往。一面自帶兵丁接應。方爲妥協。如日間與
賊鏖戰。官兵在前。大臣督後。見賊來犯。何處隨卽
遣人接應。伊等相機指示。尚無不可。今夤夜聞警
而身在營盤。止遣人去。並不親往。伊等在營。只圖

安逸。並不衢鋒接仗。可知在色布騰巴爾珠爾之
意。不過謂賊番投服。即可完事。今朕已令其來京
至豐昇額前。此諄諄叩懇前往。所爲何事。或係隨
從色布騰巴爾珠爾所爲。並不帶兵前往。著豐昇
額明白回奏。再此次所奏。雖與賊番數次交鋒。並
無攻獲地方。亦未將賊番緊要地方。剿除一二。不
過仍在東瑪等處支持。今阿桂已調南路。豐昇額

又復如此。軍營諸事。惟在溫福一人。務期堅持心志。斷不可存優柔之見。

同日溫福色布騰巴爾珠爾阿桂豐昇額奏言

臣等接奉

上諭。據沙爾嘉勒供內有僧格桑女人前往布朗郭

意宗之語。

臣

等詳加體察。由美諾至金川。可通之

路甚多。而逆酋遣其妻妾前往布朗郭宗。或因

該處本係舊巢。地寬人衆。礮寨堅整。預爲守禦
之計。抑或竟思由此竄入金川。均屬情事。所有
近又據那木爾嘉勒供。僧格桑之妻。尚在布朗
郭宗其妾已回美諾。而雅克嘉勒復供。僧格桑
之妻。係索諾木之姊。已爲金川接往。僧格宗本
有路。逕可達金川。或由彼竄逸。俱未可知。查布
朗郭宗一路。必應分兵進剿。惟因軍營兵力不

敷分撥。是以屢次籌辦。未能就緒。茲查自阿喀
木雅進攻布朗郭宗。必從別斯滿山梁前往。正
月間。總兵馬彪帶兵進踞之地。原係前往別斯
滿要路。旋經五岱撤至色布色爾。駐扎賊番。卽
於要隘築碉守禦。嚴加防備。必須節節力攻。臣
等自過普爾瑪。一面攻勦。一面遣人偵探路徑。
正籌分辦間。因桂林處需兵甚急。業將陝甘兵

三千名調赴南路。臣等軍營現有之兵除分駐

後路各要隘外現派南北兩山攻剿山勢綿亘

分布險要每次攻取礮寨各隊所派不過數百

名及千餘名是官兵以進取而愈分賊兵以退

守而益聚官兵以歷久而力量稍疲賊兵以逼

近而衛死益急。臣等惟督勵官兵相機進剿如

能卽日攻破東瑪美美卡等處卽可越過木關

壩以期迅速前進奏入報。

間。

同日溫福色布騰巴爾珠爾阿桂豐昇額又奏

言官兵自收抵資哩以後索諾木發兵助逆跡

已顯然今屢蒙

恩諭兵力不敷不妨酌量添調等惟自殫竭心力

上策籌辦其投誠番人沙爾嘉勒所供金川帶

兵頭人阿克書等。自當概予駢誅。此時不值遣人前往。令其執獻。或僧格桑計窮力竭。復求索諾木代爲遣人投稟。臣等自當不令進營乘便加以檄諭。將各頭人助惡之處。嚴切飭責。至從前進剿金川。雖有十路七路之名。其實皆以凱立葉勒烏圍噶拉依爲總路。噶拉依之險。人所共知。臣等又訪得俄坡一路。從綽斯甲布官寨

前往據稱道路稍爲平近此外更無可以越過
噶拉依之處。其金川地方戶口較小金川大小
多少若何。昨奉

諭旨垂詢。

臣

等訪得金川境界南北約三百餘里。東

西約二百餘里。丁壯約七八千。從前原稍遜於
小金川。近年生聚。加以侵掠鄰封。已與小金川
相等。而山徑陁險。其人亦較鬪狠不馴。平地產

糧稍多。是以向來不至內地。下壩等語。臣等此
時極力設法攻勦。小金川之事早竣。則併勦金
川。可以早爲籌辦。奏入。

上諭軍機大臣曰。溫福等奏稱逆酋或復求索諾木
代爲遣人投稟。自當不令進營。乘便加以檄諭。嚴
切斥責等語。所見非是。索諾木敢於助兵抗拒。屢
與我兵接仗。金川之賊居多。是兩酋罪惡相同。而

索諾木尤爲可惡。不值復爲傳檄詰責。且索諾木敢於頑梗跳梁。此時自不便招之使來。若差有賈稟之人。自當速爲擒拏究治。豈可不令進營聽其自返。而轉煩文告折辨。溫福所奏實於事理未協。若索諾木復逞其詭狡。將南路未出官兵送回。并差人具稟到營。卽當一併拘留。將所差賊目嚴加刑訊。或卽於軍營正法。或鎖械解京審辦。前此所

降諭旨甚明溫福等卽當遵照辦理。

癸丑桂林明亮鐵保汪騰龍奏言。臣等同侍衛

鎮將等於達烏東岸用礮盡力攻擊緣木柵堅厚。雖間有轟摧賊番又隨時修補。惟恐失此要隘與對岸礮內之賊互相救應捨死相持以爲固守之計。而甲爾木山梁路口險仄賊番見我兵日夜攻擊悉衆屯聚。惟於礮內放鎗山頭滾

石拒阻我兵前進之路。並不明爲對仗。臣等查

南路軍營。自四月初旬以來。兩雪交加。勢極綿

密。昨於十四日至十八等日。復大雨如注。晝夜

不停。臣等目擊情形。憤懣之中。尤深焦急。察看

雲氣所布。極爲廣遠。若係賊番詭施。扎荅似不

能綿密如此。現在虔禱祈晴。惟盼雨勢稍停。督

促官兵進剿。奏人。

上諭軍機大臣曰。溫福及桂林等。奏兩路攻剿情形。未能寸進。甚爲煩懣。看來南路自甲爾木山梁失挫以來。玩愒至今。大約俟阿桂到後。方可冀其另有振作。至溫福一路。因色布騰巴爾珠爾等在彼不能和協。以致耽悞月餘。經朕洞鑒其情。秉公核辦。溫福此時自必倍加感奮。努力向前。或可望其得手。如果相機覓間。破其險要。固屬甚善。但恐溫

福自念身膺重任。責無可諉。又受朕格外成全之
恩。激切圖報。督率將士奮勇直前。不復稍爲慎重。
甚至親冒矢石。不自顧惜。皆情事所必然。冒險攻
礮。最爲無益。屢次降旨甚明。若因此而諭以臨事
持重。又恐其心生退阻。朕再四躊躇。阿桂素屬曉
事。且曾在軍營歷練。又熟悉溫福之爲人。福隆安
久在朕前。習聞前後諭旨。深知朕心。此等軍國重

務不可不詳細熟計。著傳諭福隆安。阿桂。彼此會同商酌。如何方能動出萬全。卽速具奏。

甲寅。

上諭軍機大臣曰。索諾木頑梗難馴。留之必貽後患。且與僧格桑狼狽爲奸。助兵拒戰。尤爲罪魁。是乘使勦除。實有難於歇手之勢。阿桂在西路軍營。練習機宜。阿爾泰現署四川總督軍務。邊防皆其專

平定回疆方略卷之三十一
三十一
責福隆安日在朕前。習聞朕計及久長之諭旨。並深知朕萬不得已之隱衷。著與阿爾泰、阿桂通盤籌畫。將辦理金川一事。悉心妥議密奏。

同日。桂林奏言。據沈寬稟稱。三雜谷土司等情願出兵二千五百名。隨同進剿小金川。並出具

印結。臣思

王師申討。原不藉此番人力量。但該土司等自知悔

過。既願發兵。且該處爲進攻小金川曾頭溝正
路。距布朗郭宗底木達不遠。若用以前驅。似未
爲無益。臣已咨明溫福等。就該處情形籌酌。是
否。卽可由曾頭溝一路進發。抑或另爲調遣之
處。相機辦理。奏入。

上諭軍機大臣曰。桂林奏稱三雜谷情願出兵。隨同
進勦小金川。自當聽溫福酌辦。至該處爲進攻曾

頭溝正路。距布朗郭宗及底木達不遠。其地係逆
酋之父澤旺所居。且其妻亦曾潛往。自當一併剿
除。屢經諭令阿桂分兵往辦。總因軍營之兵不敷
分調而止。今既有此機會。而後調之陝甘兵三千。
又已起程。現復催調哈國興迅赴西路軍營。或令
哈國興。或令董天弼。卽帶陝甘續到之兵。並督率
三雜谷土兵。由曾頭溝一路。徑取布朗郭宗底木

達似爲妥便。若果攻得此兩處，并擒澤坵及逆酋
眷屬於進剿機宜，亦甚有益。著傳諭溫福，卽速悉
心籌畫。

丙辰，溫福、阿桂、豐昇額奏言。臣等查南路軍營

於四月初間，連日雨雪，實因番地氣候，寒多暖

少。臣等自過巴朗拉而抵資哩，時屆春初，每日

有疾風暴雨，倏來倏止，卽疑小金川地方素習

紅教必係扎荅所爲。臣等思僧格桑罪惡貫盈。神人共憤。

天朝師出有名。邪術豈能勝正第。今已交夏令。而北山營盤連日雷電交作。繼以大雪積至盈尺。雖無甚妨碍。而道路泥濘。行走不便。夜間守卡之兵。不無少累。自應破其邪術。方於軍營有益。茲

蒙

皇上履念戎行。派令三濟扎卜薩哈爾索丕二人。分
往西南兩路軍營備用。伊等素有法術。自能著

效。且

天心助順。邪沴自消。臣等惟有仰仗

天威。以冀尅期平定。奏入。

上諭軍機大臣曰。番地雖與雪山相近。然四五月間。
尚有大雪。其爲扎答無疑。溫福所奏邪不勝正之

說極是。此等邪術。不過欲使人怖畏。人若見而生
怯。則其術愈逞。惟能處以鎮定。視之淡然。其技窮
而法亦不靈。所謂見怪不怪。其怪自敗也。溫福阿
桂。當曉諭營中將士等。令其共知此意。至遇連陰
積雨。官兵等單帳棲身。亦不可不加之體恤。若見
伊等實有疲困情形。不妨酌加賞資。或值伊等匱
乏之時。口糧等項。并不妨暫從優給。以此鼓勵衆

心。俾皆歡欣鼓舞。於軍務亦爲有益。果能撫恤士
衆。爲國宣勞。朕從不稍存靳惜。況軍需備項。已撥
至六百萬兩。支給亦無慮不敷。溫福等斷不可爲
慎重錢糧起見。惟知按例。不知體朕惠愛士卒之
深心也。至兩路抗拒之賊。金川幫助者居多。每恃
劫營爲長技。幸而官兵善備。屢經奮勇殺退。但恐
賊伺我軍畧懈。故智輒萌。若當久雨之時。更當嚴

加防範。而火藥一項尤屬要需。溫福阿桂務當預
飭將弁留心防護。以期有備無患。

戊午。

上諭軍機大臣曰。據文綬奏奉到撥兵預備之旨。已
於陝省挑選兵二千名。甘省挑選兵三千名。並選
派副將佛遜六十六統領一切先期妥協備辦。俟
川省咨到。卽行起程所辦甚好。著傳諭溫福阿桂。

彼此熟商約計何路需兵若干。一面速咨文綬。催令遄程進發。一面奏聞。至現在南路所攻之僧格宗。西路所攻之美美卡等處。乃賊番必爭之險。且有金川帮兵在彼。悉力守拒。恐急切難以攻破。而地險徑仄。雖多集精兵。無可施展。若徒坐守玩日。實屬非計。朕意似當另覓金川捷徑。分兵往攻。或可乘其無備。奪取一二要害。預爲進兵地步。於事

當甚有益。卽不然，亦可掣賊番之勢。索諾木聞官
兵進攻，必將幫助小金川之兵撤回自衛。我兵得
伺其罅隙，相機進剿，自可易於得手。日前阿爾泰
奏述宋元俊之言，有駕馭綽斯甲布、三雜谷發兵
進攻金川，使盡撤幫兵，方可剿滅小金川。已遣李
天佑等分頭前往調遣等語。是宋元俊等亦曾籌
畫及此。昨據桂林等奏三雜谷土司情願發兵効

力其地與曾頭溝一帶相近。已傳諭溫福等如酌量可行。卽檄哈國與董天弼帶領陝甘兵前往。至綽斯甲布在金川之西。從前所列分路進攻金川單內。綽斯甲布原係一路。若選撥兵練數千。令宋元侵統領。并派能領兵之侍衛章京數員。同往綽斯甲布。令其助兵。作爲嚮導前進。自當得力。溫福阿桂於宋元俊帶兵起程後。卽當彼此照會聲息。

時通。仍各留心偵探。若見賊番露有撤退形迹。兩路各宜迅速進攻。毋稍延緩。小金川賊衆不諳戰陣。若無金川相助。失所倚恃。則其勢弱膽虛。易於潰破。此乃最要機會。溫福阿桂務當實力妥籌。互相照應。以期及早集事。

辛酉。溫福豐昇額奏言。竊查資哩南山。雖經牛天昇將喇卜楚克山頂佔據。然對面山峰。賊番

防守甚嚴。且又兩旁險峻。無路可越。其侍衛阿爾蘇納。副將成德等。山腰拏卡。雖已逼近賊番。所據之處。而其地陡峭。亦難以上衝。臣溫福再

四籌畫。差人探得喇卜楚克之北。本布爾桑岡

之南。山脊上有蜿蜒小路。從此遶出。佔住對過

山峰。可下至木闌壩等語。臣等思是處賊番。雖

亦建礮固守。若果不令知覺。猝然遶往。佔據山

頂下攻木關壩截斷此山賊人之後其勢卽不能存住。若一面在對山放礮攻擊。一面令牛天昇。阿爾蘇納兩處衝壓牽制賊衆不能救應。遶

道兵丁自能前進。

臣

溫福將南山兵內抽撥三

千。令富勒渾。李煦等帶領。而侍衛阿爾蘇納額爾特。瑚尼爾圖副之。裹帶五日口糧。於十三日夜起程。十五日早遶過山梁。并約定佔據山頂。

時分。又從北山調派章京德保。侍衛伊爾庫等。亦帶五日口糧。於十四日辰刻陸續前往。又令牛天昇同侍衛將備等帶兵下衝賊卡。侍衛賡音素明仁帶領護礮兵丁相機攻佔。分派已定。

臣 豐昇額於十四日下北山。十五日同 臣 溫福

帶領侍衛官員。及大營所剩兵數百名。於賊番所據對面山上排列。施放鎗礮攻擊。牛天昇等

率兵下壓。賡音素等督兵上衝。山上賊衆分路拒敵。衆官兵各加奮勇。賊番皆敗入碉卡藏匿。十六日據富勒渾。李煦等遣人來報。稱自十三日帶兵起程。已過喇卜楚克山梁。遶至高峰。連

奪石卡三座。十五日直上山頂佔據。且又奪取大卡兩座。賊番皆於深林密箐。建立木卡拒守。若將木卡攻取。即可壓取木闌壩等語。臣等又

將北山調來官兵內。揀選五百名。派遊擊富敏
泰等。裹帶十日口糧。前往接濟。臣溫福仍俟富
勒渾等。攻克各卡。察看喇卜楚克山上。賊衆情
形。卽進攻木蘭壩。併鄂克什舊寨。今拏獲活口
阿塔爾。取供後卽行正法。其投誠喇嘛索諾木
鄂特則爾。留在軍營。再爲訊問。均將供單先行

呈
進

呈。

同日。溫福。阿桂。豐昇額。又奏言。臣等西路軍營。

皇上加添兵力。隨時抵補。若須夾攻並進。兵力似猶

未敷。分撥至南路軍營。約畧新舊調兵較多。但

自去秋至今。傷疲者實已不少。是南路亦不可

無兵接濟。今仰荷

聖明洞鑒。復令預備五千名。以爲兩路之用。臣等通

盤籌畫。陝甘兵現在抵川之三千名。已赴南路。

其初報起程之三千名。定赴西路。所有此次預

備之五千名。臣等已遵

旨行文調用。然計其起程入川尚需時日。臣等現在

晝夜籌辦。極力設法攻勦。倘彼時能深入賊巢。

剋期會合。則此項兵丁。又當併勦金川。另行確

籌分撥。如陝甘兵將次抵川。而兩路猶未會合。

臣等當酌量兩路需用。商定數目。飛飭帶兵官

弁分路進發。於攻勦事宜。自更得力。均奏入。

上諭軍機大臣曰。阿桂甫自西路。調往南路。所有兩

路兵力情形。皆得深知。更可與溫福通盤籌畫。每

路需兵若干。卽行檄知陝甘帶兵之員。分路趨赴。

自尤妥速。至統計前後所調之陝甘兵。已一萬七

千名貴州兵八千名。合之川省所有兵練。不下六七萬餘。兵力不爲不厚。此時攻勦小金川。已足敷用。但將來進勦金川。分路派撥。自屬多多益善。現已論文綬。再行預備陝甘兵五千名。聽候調取。至西路軍營。現調哈國興。迅往隨同領隊。而南路軍營。令宋元俊分往綽斯甲布後。更無熟練之人。昨派往之副都統永平。雖爲可信。但初至川省。於該

處賊情地勢。未必卽能明曉。著福隆安同阿桂於
綠營副將叅遊內。或於派往之侍衛等官內。選擇
諳悉風土形勢。量其是否堪勝領隊之任。通行選
派數員。奏交阿桂酌量派用。又溫福等奏投誠之
小金川喇嘛索諾木鄂特則爾供。老喇嘛被小金
川拘在美諾。不能受十八土司供養。情願投誠。現
因有人看守。先令其到營求見等語。此事殊不足

信該處既有喇嘛九衆因何止來一人卽使允其
投誠而老喇嘛等並不親來恐係逆酋狡譎令其
探聽信息必須嚴訊確供並嚴密羈禁毋任免脫
若軍營現無可問之處著溫福卽派委幹弁解赴
熱河行在候訊仍飭沿途小心防範毋致稍有疎

虞

同日阿桂豐昇額奏言查東瑪色爾渠喇嘛寺

三寨俱在美美卡別斯滿之間。賊衆據險死守。

官兵攻擊三次。將大礮下。所有卡房逐一攻克。

而賊番乘夜復將已壞礮卡修補堅固。今臣等

將從前所建木柵石卡兩邊。又連立柵卡數處。

從此三面夾攻。則喇嘛寺色爾渠斷不能久守。

我兵直至溝底。斷其北邊別斯滿等處來路。一

直攻取美美寨。似不費力。五月十二日。臣豐昇

額至北山與_卡阿桂鼓勵官兵冒雨搬運木石。陸續前進。安扎柵卡。賊衆並不抗拒。惟藏於濠卡之內。放鎗擊打。查兩邊柵卡。距賊寨止十餘丈。是以濠卡內露身放鎗。及往來行走之賊。俱能擊殺。若再扎二三柵卡。移設大礮施放。則賊土館番自不能存駐。但現在非雨卽霧。地皆溼滑。大礮難於鑄造。因令燒炭。備用烘乾地段。卽便趕

鑄礮位奮力進攻。

上諭曰。勉爲之。諒今已得東瑪矣。

同日溫福阿桂豐昇額奏言。重慶鎮總兵和邦

額前經臣等奏令駐扎日隆宗。防範軍營後路。

並查自臥龍關至達木巴宗一帶臺站糧運事

宜。茲該鎮在日隆宗病故。查董天弼前經奉

旨令其協辦口內口外一帶糧運軍需。緣未奉

諭旨之先。臣等已派和邦額管理。是以令董天弼專

管資哩舊營存貯軍火糧石。竊思從前未得資

哩。則達木巴宗爲大兵後路。今旣攻過阿喀木

雅。則資哩卽爲後路。應將自資哩直至臥龍關。

一切防範稽查督催各事宜。令董天弼總辦。至

資哩舊營存貯軍火糧石。查在營革職總兵福

昌現無職事。令其前往接管。仍令董天弼照料。

總理庶後路防範有人而收發事宜亦無貽悞。
奏入。

上是之。

同日阿桂奏言。臣思桂林係總領南路官兵現

當進攻緊要之際。諸事不容刻緩。而此地北山

碉卡逼近賊碉。且又已派撥川黔兵一千二百

餘名。往赴南山。添助副都統富勒渾。總兵李煦

等繞路攻壓。就現在所有兵力。仍於東瑪爾旁。
往下接築木石各卡。以斷賊番來路。均於數日
內。即可攻克。亦均關緊要。臣仰蒙

恩命。趕赴南路領兵。謹將現在事機。并侍衛章京將
弁之能否。攻取之先後。逐一告知豐昇額。俾其

悉心經理。臣於十八日起程。計自阿喀木雅至

成都共二十四站。星夜趕上福隆安。同赴南路。

臣蒙

皇上委任隆恩。惟有體察軍心。振興士氣。總期掃穴

擒渠。殲除醜類。以抒積憤。而靖邊隅。奏入。

上是之。

壬戌。

上諭軍機大臣曰。昨溫福等奏。近日西路攻勦情形。

似覺稍有起色。至南路自前番失挫之後。大約須

侯阿柱到彼。方可望其振作有爲。再籌進剿。看來
僧格桑雖頑劣不法。究無能爲其所恃者。不過金
川賊衆相助。至索諾木詭詐百出。尤非僧格桑可
比。卽如前日送李朝林回營。所遞稟詞。稱寧祿等
爲小金川所得。因向僧格桑取回。領在噶拉依安
頓之語。殊不足信。昨據溫福奏。拏獲小金川賊番
阿塔爾。供稱南路有金川兵幫助打仗。拏過幾員

官之語。是此事實係金川所爲。更無疑義。此必索諾木欲留此數人作質。希冀換回所拘熬茶之喇嘛。并思誘過小金川。復以取回留養。見其恭順。預爲將來官兵臨境。送還內地之人。乞降完事地步。其情尤爲可惡。著傳諭溫福等。當知索諾木狡黠頑梗之罪。萬無可追。我兵進攻時。卽使逆酋窮蹙。亦我。並將寧祿等送還。亦斷不可爲其所惑。稍存

姑息。

同日。

上諭軍機大臣曰。軍營入夏以來。雨水過多。官兵未免勞苦。現在西路進剿之兵。據溫福等奏稱頗爲出力。至南路爲桂林耽悞月餘。未能攻剿。而兵丁等之疲乏則同。朕心深爲軫念。著加恩將所有官兵。各賞給一月錢糧。以示體恤。西路着溫福傳朕

諭旨賞給南路著福隆安同阿爾泰阿桂傳旨賞給。

甲子。溫福。桂林阿桂奏言。臣等欽奉

上諭。查明出力各土司。作何酌賞之處。卽行妥議奏聞。仰見

皇上恩施優渥。鼓勵番夷之至意。查乾隆十二三年。出師金川。所有恭順効力土司。奉有

特旨。將軍營緞疋分別賞給。當經酌賞明正土司緞
十六疋。其餘木坪裏塘巴塘等各土司。以次遞
減。至土弁十兵奮勇者。分別等差。給與銀兩在
案。今此次進剿逆酋。西南兩路中。明正地方。逼
近賊境。該土司甲爾叅得沁。撥派士兵。隨營已
及經年。最爲出力。木坪土司甲爾叅納木卡帶
領番兵。修理道路。隨攻甲金達山梁。又親運省

中礮位。來至西路軍營。實屬不辭勞瘁。瓦寺土
司桑朗因春。自去冬斫修道路。搭造橋梁。並撥

頭人土兵隨營攻擊。深爲黽勉。巴旺布拉克底

自去年出兵助順。克復明正地方。此番收復革

布什咱。又於境內取道進攻。均屬出力。至綽斯

甲布土司工噶諾爾布。一聞調遣。遵奉發兵。頗

見恭順。自應一體分別賞給。臣等公同酌議。擬

賞明正土司緞十六疋。木坪瓦寺巴旺布拉克
底。綽斯甲布等五土司。緞各十二疋。如蒙

俞允。臣等當於備賞緞疋項內。動支分給。其在營之

土酋頭人土兵屯練。視其出力如何。隨時酌賞。並於

事竣之日。核明勞績等次。並陣亡傷故者。一一

照例造冊。分別議賞。議卹。再鄂克什土司色達

克拉。雖同伊弟雅滿塔爾。督率土兵。頗知奮勵。

但大兵進剿。原因僧格桑攻圍該土司之故。伊等隨營自効。理所當然。此次似可毋庸更賞。奏入。

上諭軍機大臣曰。桂林奏會同溫福等議賞各土司。緞疋一摺。在南路者。著交福隆安同阿爾泰。阿桂傳旨賞給。在西路者。交溫福等傳旨賞給。以示獎勵。

勵。

平定兩金川方畧卷之三十一

六月乙丑阿桂奏言臣奉

旨馳赴南路統兵進剿業於五月十八日起程

三日過省惟是南路事宜老候臣抵營商辦未

玩稍稍時日現已飛行奉元俊將漢土官兵現

有若干火藥鉛丸備貯若干並器械是否足敷

配執之處星速寄知以便先期籌畫臣一到時

即可督勵官兵進剿現蒙

皇上以兩路軍營尚須厚集兵力復賞給陝甘兵五

千名其南路應需若干之處亦容臣抵營後悉

心審度具奏奏入報

聞

同日阿桂又奏言查三雜谷土司境地。在小金川東北。其會頭溝一帶。為底木達布則郭宗後

戶。若從此一路進兵。不獨可分賊勢。且使其首尾不能相顧。於攻勦全局。殊爲有益。是以去冬將軍溫福擬調三雜谷土兵。令總兵書明阿督同進勦。嗣因該土司等具稟求免派兵而止。近

蒙

皇上仍准其下墾備工。自必心生感激。該土司於四月內遣頭人來營請安送禮。臣與溫福等却其

物件。諭以此次大兵進討小金川。務在擒渠掃
穴。不滅不休。斷不肯遷就中止。

天朝兵力。原不藉爾等土兵協助。但爾三雜谷素稱

恭順。土司當自行酌量。頭人惶愧叩頭。據稱俟

伊土司議定。再來回話而去。茲於五月十九日。

遊擊沈寬守備袁敏稟稱。三雜谷土司願派兵
二千五百名。從曾頭溝一路進攻等語。宋元俊

亦經稟到。

臣

思前此西路軍營。拏獲賊番。訊係

底本。達布朗郭宗之人爲多。審度賊情。必以三
雜谷土司。久爲伊所挾制。後路可以無虞。而別
斯滿一路。礪卡林立。度大兵未必遽能深入。是
以于此多派賊番。分頭抗拒。今若令三雜谷土
兵。從該處進剿。自爲得力。但該遊擊等稟內。有
必須添派漢兵協助。其帶領漢土官兵。亦須大

員之語。查土兵原無紀律。自須漢兵彈壓督率。方可得用。至統領漢土官兵。不但必須大員。並須熟悉情形之人。措置始能妥協。臣現已馳赴

南路三雜谷地方。距西路軍營爲近。業已行知。溫福豐昇額。囑其審度事機。就近調度。庶爲捷便。再綽斯甲布土司境地。在金川之西。雖屬逆酋親戚。而前因金川指使從噶克。侵取該土司。

噶爾瑪木魯宗地方復自佔甲爾壟壩。是以久
成仇隙。臣於正月間訪聞此事。卽思甲爾壟壩。

係革布什咱與金川毗連要隘。若綽斯甲布能
據其地。則革布什咱亦易於收復。因該處近於
南路。當卽札致桂林。囑其密辦。嗣桂林亦先有
所聞。已檄令該土司發兵往佔。今據宋元俊稱。
綽斯甲布土司告請攻勦金川。隨派都司李天

五方圖考卷之三
四

佑領兵五百名先往。並諭以隨後大兵續到等語。查小金川現在竭力死守。總由於金川爲之黨援。綽斯甲布地大人多。若發兵攻勦金川賊酋。更必撤兵自衛。於進勦小金川。旣爲有益。且三雜谷暨綽斯甲布。旣思自効。則此外各土司亦必請發兵助順。金川形勢旣孤。於接辦之局。不爲無裨。其綽斯甲布發兵。爲數若干。及李天

佑帶兵五百名前往。是否足資督率。該鎮均未
詳悉聲明。現復行令逐一具覆。以憑籌酌。奏入。

上諭軍機大臣曰。據阿桂奏三雜谷暨綽斯甲布皆
願出兵助剿金川。現在查明籌辦等語。所見甚是。
前已有旨。令由曾頭溝一路。督率三雜谷土兵。直
取底木達布朗郭宗。擒拏澤旺。及逆酋之妻。以斷
小金川後路。並諭令宋元俊。同侍衛等。統兵赴綽

斯甲布率領該土司兵練直勦金川以擊賊酋之
勢。阿桂尚未接奉前旨。而所奏適與朕合。但曾頭
溝一路。因調哈國興赴川。令其順道帶兵。並令董
天弼同辦。今思哈國興自滇入川。尚需時日。現在
三雜谷既願出兵効力。機宜不容刻緩。著專派董
天弼往彼統兵。董天弼於番地情形熟悉。且自去
歲革職以來。在軍營尚知改悔奮勉。昨已加恩賞

補副將。今現出有和邦額重慶鎮總兵員缺。卽著董天弼補授。溫福可傳諭董天弼。益當實心感奮。尅期集事。以贖前愆。而勵後効。至宋元俊前往綽斯甲布之處。阿桂到軍營後。卽與福隆安。阿爾泰會同商酌。揀派侍衛章京。並酌選兵丁若干。令其迅速帶領馳往妥辦。庶幾出其不意。成功尤速。

同日溫福豐昇額奏言。臣等據副都統富勒渾

總兵李煦等報稱。職等於十六日。帶兵從山頂下壓。樹林中有木柵數座。賊番數百。前來拒敵。經官兵奮勇衝突。殺賊二十餘名。餘俱潰敗。我兵追入林中。奪取木柵四座。十七日。復往下攻。殺賊二十餘名。餘亦負傷敗走。十八日。大雨如注。連陰數日。二十一日。雨止泥乾。早間派兵復從樹林下壓。突有賊番三百餘。從兩旁林內衝

出又大木柵內。擁出賊番二百餘名。接續而來。官兵奮勇迎戰。斬戮六十餘名。擊傷者約有百餘。俱竄入大木柵內。併力固守。官兵連克石卡二座。木柵二座。查看大木柵依山而立。堅固異常。林箐極密。現在尋覓道路。俟攻克後。再行下壓等語。再臣溫福帶領官兵。每日三面攻打南山礮卡。殺賊甚多。十九日。半天昇帶兵直攻高

峰上賊卡。殺傷六十餘名。餘多跌落山岩。即將
大卡奪取。並獲火藥鉛丸刀鎗等物。臣因牛天
畀等所得地方。理應據守。而其次礪卡又應往
攻。應增兵力以資接應。臣於隊中卽派出二百

名。令章京官達色等帶往協助。乃牛天畀攻得
賊卡。趕殺之際。兩旁林內。賊番突出百餘。欲遠
截牛天畀之後。適遇官達色之兵。殲斃多人。始

行遁走。二十日午天畀。官達色帶兵下壓。將第
二卡拒敵之賊。擊斃十餘名。餘賊逃入大卡。由
孔施放鳥鎗。該處路既狹窄。而賊人守禦甚嚴。
現在午天畀等。督令官兵砍伐樹枝。冒鎗運往
賊卡近處。因風縱火。卡已被焚過半。仍不時攻
擊。使賊番不暇修理。其山下駐守之侍衛賡音
素。寧珠布。叅將成德等。從下仰攻十九二十兩

日亦殺傷賊六十餘名。奪獲石卡二座。此數日

夾擊賊人。官兵屯練。亦有陣亡受傷者。所得軍

器等項。俱賞給奮勇兵丁。

臣

溫福催令富勒渾

等。速攻大木柵。以便下壓木闌壩。仍率官兵夾

攻南山各礮卡。一俟攻克。卽會同富勒渾進取

鄂克什舊寨。至

臣

豐昇額於五月十七日。上北

山。阿桂先將應辦情形。詳加交代。查閱鑄礮物

件。俱已齊備。惟因天陰地濕。當飭待衛。明仁。多
燒炭斤。烘地鑄造。於十九日鑄成大礮。臣豐昇

額與馬彪額森特等商議。適將北山官兵一千
餘名。撥往南山攻剿。賊見我兵併力南山。必以
爲北山已不進攻。防備或不無稍懈。且東瑪賊
寨。三面俱係懸崖。卽拏柵直至寨根。而賊番向
下放鎗官兵亦必受損。不如專用礮轟。賊番必

謂官兵未必復行攻撲。轉可相機力取。是日臣

豐昇額將鑄成大礮運往。轟打東瑪賊寨。直至
日暮。未甚破壞。遂令連夜施放。又經一日。始見
傾頹。當卽議派侍衛佛倫泰。副將富紳等帶兵
二百。于二十一日丑刻。分取各寨。牽綴賊人使

其不能往救東瑪。又派兵一千名。攻取東瑪賊
寨。分爲六起。亦於丑刻起程。不露聲息。潛至東

瑪寨礮下。一聞佛倫泰等攻取各寨之聲。分路
前進。商之溫福。意見相同。臣豐昇額屆期飭令
官兵。吶喊進攻。而賊寨放鎗甚緊。聽其聲響。約
有二三百人。是以暫停攻撲。作為欲攻之勢。隨
卽帶領章京等。直至東瑪寨近處。章京佛進泰
富爾賽。身冒鎗石。帶兵攻打。賊衆俱露身寨上。
向下放鎗。被侍衛新達蘇施放大礮。轟斃數人。

餘賊驚惶稍却。官兵一齊擁上。鏖戰多時。除斬戮賊番及落崖跌死。並火彈燒斃之外。餘俱鼠

竄奔逃。又見東瑪寨之次。尚有哲木克郭羅郭

羅美羅喇嘛寺三大寨。若不乘勝攻取。又延時

日。是以卽派章京佛進泰等分兵四起。向下奮

力攻打。並帶官兵往攻喇嘛寺。賊番放鎗抵禦

久之稍懈。官兵直前衝擊。並將喇嘛寺克取。賊

衆倉皇遁入色爾渠大寨官兵尾追直抵寨下
此寨築在高峰賊番羣集其中合力抗拒官兵
除分守所得五座大礮並防別斯滿救應賊人
外兵力稍單察看情形不能立取因將官兵暫
撤此次打仗殺賊四十餘名生擒十四名帶傷
而逃者甚多所得礮卡五座共百餘間至額森
特受傷尚無妨碍其餘陣亡受傷官兵土練另

行咨部核議賞卹。拏獲活口。訊取供詞。卽行正法奏入。

上諭內閣曰。溫福等奏攻克東瑪賊寨。豐昇額馬彪調度頗協機宜。俱著交部議叙。在事侍衛將弁等亦皆奮勇立功。並著查明咨部議叙。其兵丁等。量加賞賚。以示鼓勵。

上又諭內閣曰。額森特在軍營一切奮勇出力而攻

取東瑪寨。又因奮勇得傷。著賞給副都統職銜。

上又諭軍機大臣曰。豐昇額等帶兵冒突鎗石。攻取東瑪。官兵如此奮勉出力。則色爾渠美美卡等處。

不久俱可攻克。朕惟佇望捷音。又據溫福奏富勒渾等帶兵奪獲數礮。並據山絕頂。向下攻取木蘭壩。富勒渾著賞戴孔雀翎。仍俟攻得木蘭壩。加恩

議叙

同日溫福豐昇額又奏言。臣等查三維谷曾頭

溝一路爲底木達布朗郭宗後戶且與金川接

壤。從前征勦金川亦曾分兵取道於此。臣等前

令該管之松茂道查禮行知各土司伊等懷德

畏威各遣頭人赴營請安自陳誠悃旋據維州

協副將五福稟報三土司情願出兵茲又據宋

元俊取具出兵二千五百名印結。臣等體察情

形梭磨切近內地。素稱恭順。卓克采從噶克見
兩金川勢在必滅。自願出兵効力。以爲解免之
地。亦屬實情。惟是土兵初進。搶掠是其所長。銳
氣亦儘可用。特恐不能持久。必得官兵爲之督
率。方可得力。臣等軍營。正當南北兩山。併力勦
擊。實無可撥之兵。昨據文綬來咨。第四次續調
陝甘兵丁。於五月初七等日。各由本營起程。臣

等擬派熟練鎮將一人。先行馳往三雜谷守候。陝甘兵到時。卽會同督兵前進。逕搗曾頭溝。再宋元俊所遣遊擊沈寬。於番情似爲諳練。臣等現亦密劄沈寬。如察看土兵實在踴躍爭先。正當及鋒而用。該遊擊卽先帶領進攻。官兵一到。隨後再進。如此則事機不致耽延。而聲勢亦倍壯於事。自爲有益。

同日溫福豐昇額又奏言。臣等接奉

上諭將譯出索諾木番稟詳細閱看。所有被遮之寧

祿等。如果送至西路軍營。臣等當恪遵

諭旨。分別送京查索諾木帮兵助惡。已屬罪無可追。

今乘官兵偶挫。輒藉被留弁員。乘機要挾。並欲

令僧格桑請罪完事。公然以調停自處。顯肆鴟

張。更堪痛恨。現在。臣等西路奮力勦擊。萬一索

平定回疆方略卷之三十一
四
諾木托名送還被留之人。藉詞窺探。臣等自當
將所差賊番拘執。請

旨辦理。斷不給與回文。致得揣測軍營情事。至董天
弼於邊情軍務。原屬諳練。茲奉

諭旨。賞補副將。自應令其帶兵行走。但查自阿喀木
雅直抵臥龍關。凡通小金川之小路。必須嚴密
卡防。惟董天弼在川最久。於此一帶地理情形。

皆所熟悉。現在鎮將內實無可以接手之人。且蒙。

皇上賞派哈國興、海蘭察等赴西路軍營備分路帶

兵之用。計算行程。到川不遠。臣豐昇額於一切

事宜。惟有竭盡愚誠。與總兵馬彪、侍衛額森特

等。虛衷籌計。以期無悞。俟哈國興等到營。臣豐

昇額當遵。

旨赴溫福大營。協助進剿。均奏入。

上諭軍機大臣曰。溫福等奏三雜谷土司情愿出兵。擬選派鎮將馳往。卽由曾頭溝一路督率土兵攻剿。與朕前此所降諭旨相合。且據現獲賊番僧格供稱。曾頭溝之人。先在美美卡防守。今又調到雅爾桑山梁。是曾頭溝現在空虛。尤爲極好機會。其帶兵之人。前已迅調哈國興赴川。同董天弼辦理。

因思哈國興自滇起程。長途不免稍需時日。董天
弼於番地番情最爲熟悉。帶兵自更得力。因加恩
將伊補授總兵。令其由曾頭溝督率三雜谷土兵
進剿。董天弼接奉恩旨。自必倍加感激勇往。至所
需陝甘兵三千名。前據文綬奏。甘省營兵。於五月
初七日起程。勒爾謹奏到陝省營兵。於五月十六
日起程。現已諭催帶兵之總兵李雲標。過程前赴

西路軍營。聽候派用。著溫福行知董天弼於何處
暫駐。候陝甘兵到。帶同進剿。卽一面檄知李雲標
令其迅赴指定處所。隨同董天弼前往。勿致參差
遲誤。至董天弼。旣令帶兵。其資哩至臥龍關一帶
卡巡。及催督糧運軍臺。均關緊要。現在難得幹練
之員。看來維州協副將五福。在川亦久。似可委其
代辦。若溫福所知。有勝於五福者。卽行派辦亦可。

至豐昇額。平日實心勇往。朕所深知。因其尚欠閱歷。臨事未能明練。是以不欲其獨當一面。今此次攻取東瑪。調度合宜。卽令分路統兵。可以勝任。且有馬彪等在彼協助。豐昇額不必回至溫福大營。至哈國興到川。亦須令其同董天弼。共取底木達布朗郭宗。毋庸再爲更調。

臣自幼荷蒙

聖主。巴。福隆安奏言。

臣

自幼荷蒙

聖主養育深恩。並無分外出力之處。若得在軍營行

走。寸心方可稍舒。現在攻勦小金川西南二路

均屬至緊至要。臣日擊情形。若卽舍之而去。實

爲歎。爪難安。臣雖未知軍務。然自以諸事必須

經歷。方可諳練。一俟審理桂林事畢。仰求

聖主指定何路軍營。令臣行走。庶可學習戎行。以資

報効。奏入。

上諭軍機大臣曰。福隆安奏請留在軍營辦事。斷乎不可。前諭福隆安於查審桂林一案完畢起程。務於七月二十內外到熱河。因朕前辦事需人。且土爾扈特入覲。必需親近大臣照料。福隆安不可不早至行在。何必復爲此奏。福隆安在朕前日聆訓。諭較之現在軍營諸人。尤爲真切。自能善體朕意。實力籌辦。但于統兵之事。非所素習。何必留駐領

兵方爲出力。

壬申。

上諭內閣曰。昨歲進剿小金川以來。一切軍行儲待。俱支官帑。絲毫不累閭閻。而糧運轉輸不無稍資民力。今春曾降旨。將官兵經過各州縣。所有本年錢糧。先行緩征。俟凱旋後。分別等第加恩。今兩路軍營。現在分兵進討。務爲搗穴擒渠。之計。小民轉

運兵糧。頗爲急公出力。若於軍務告蒧後始行加恩。未免尚需時日。朕心深爲軫念。著阿爾泰查照前此平定金川之例。卽行酌定等第。具摺奏聞。分別蠲免。其蠲剩緩征之項。並予展限。俾編氓早沾實惠。兼副朕獎勞優恤至意。

同日。宋元俊奏言。查兩金川狼狽爲奸。抗拒官兵。現在西南兩路進攻。僧格桑未卽就擒。總緣

金川助兵之故。是金川一日不辦。小金川一日不滅。辦金川而小金川易滅。小金川一滅。而金川勢孤。然後會合各路兵力。分道攻圍。亦無難於蕨事。今各土司窺破金川蠶食之計。莫不懇請出兵。以爲自全之計。是各番効力之心愈切。

卽兩酋應滅之象愈明。臣收復革布什咱時。因

綽斯甲布土司工噶諾爾布稟請情愿出力。助

勦金川。隨派都司李天佑領兵五百名先行。並
諭以大兵繼進。用固其心。又派遊擊沈寬守備
袁敏。由綽斯甲布前往三雜谷。調令出兵。已據
該土司等遵奉。發兵二千五百名。隨同官兵。從
曾頭溝進攻小金川。臣正擬乘此機會。定期會
勦。計圖一舉成功。不意我兵自果洲山失利之
後。士氣消阻。且以現在兵力。并辦金川。實屬不

敷調遣。臣愚昧之見。與其曠日持久。虛糜糧餉。

莫若厚集兵力。迅奏膚功。如蒙

皇上飭調湖南湖北近山營分。并於山西甘肅兵內。

各撥數千。共得二萬之數。即可遣發一萬。由綽

斯甲布之俄坡。日旁兩路進剿。牽制金川。再分

兵五千。從汗牛一路直攻美諾。其餘五千。添入

達烏一路。並力直前。其現留畢布什咱之兵。即

山正地進。擣中堅。合之西路。從曾頭溝。別期滿。
鄂克什三路並舉。小金川定。卽蕩平。隨以五路
之兵。進勦金川。亦可刻期告捷。惟口外跬步皆
山。春冬積雪難行。一值夏秋。進兵之路便多。如
將各省官兵。於七月內齊集軍營。分派進勦。約
計兩月之期。小金川自能掃滅。倘其時雨雪稀
少。而所派俄坡日旁正地之兵。先已攻逼金川。

巢穴。便可乘勢併爲掃蕩。茲奉

諭旨。已令叅贊大臣阿桂。督理南路進兵事宜。臣應

聽其到時核辦。奏入。

上諭軍機大臣曰。宋元俊奏。駕馭各土司。所見頗爲

合理。是以前據阿桂等奏。綽斯甲布情願出兵助

力。卽諭宋元俊帶兵前往。督率綽斯甲布土兵進

剿。其三雜谷願出兵二千五百名。隨剿底木達布

朗郭宗亦諭令董天弼帶兵往剿矣。但至今並無
進兵實信。乃稱請調湖南湖北近山營分之兵。再
於山西甘肅兵內撥給數千。共得二萬之數。分路
進攻等語。未免過涉張皇。現在由綽斯甲布進攻
原係牽制金川之勢。使其掣兵自衛。以便乘間攻
取小金川。俟小金川平定後。再併力會剿金川。此
時難以兼辦也。且計節次調赴川省之兵。貴州已

有八千。陝甘已一萬七千。加以預備之五千核計。共及三萬。合之本省綠營。及上兵之數。不爲不多。況番地跬步皆山。調往之兵。跋涉不易。至於險隘處所。仄徑單行。雖多兵亦無從施展。而所云七月內齊集軍營之說。更恐遠道不能如期全至。著傳諭福隆安。會同阿爾泰。阿桂將該處情形。通盤籌畫。並問宋元俊詳悉核計。是否必須添兵接濟。核

實酌議以期萬妥。又前此金川用兵。共調兵六萬二千五百餘名。計核銷銀七百一十二萬七千餘兩。現在軍營約存軍需銀三百五十餘萬。自當敷用。如將來尚須添撥。亦卽據實先行奏聞。以便籌辦。

上又諭軍機大臣曰。前因湖廣兵丁懦弱。是以川省進剿之兵。未經派及。今據總兵宋元俊奏請添調湖南湖北近山兵丁。於七月內到營。分路進剿。現

諭福隆安會同阿爾泰。阿桂酌量定議。如果尚需添撥。一面奏聞。一面卽行咨調。著傳諭總督海明。於湖北湖南兩省近山各營內。遴選勇銳兵丁五千。將應帶火藥器械等項。一併預備。并揀派帶兵大員將弁等。聽候川省咨到。迅速起程。此時海明如未到任。陳輝祖現署督篆。卽令遵旨。妥協辦理。上諭軍機大臣曰。總兵朱元俊。看來尚能辦事。且熟

悉番地情形。伊亦尚有心奮勉。若用之有方。可門
得力。但其人似乎狡猾好事。究難深信。若使過於
得志。難保其不滋驕縱。務須留心駕馭。方爲有益。
着寄信阿桂。惟當量能取力。勿令知覺。留心鈴束。

臣等謹案籌辦軍務必合羣策羣力以成功。

其熟悉地勢番情。尤關緊要。爾時南路領隊
侍衛章京內。衝鋒殺賊勇略可任者。本不乏

人但新至蠻方。各土司好尚。既未周知。其道
路遠近險易。未經身歷。如宋元俊輩。不得不
駕馭器使。收其長。使不得逞其技。方爲有益。

宋元俊所奏用番攻番。添調各省官兵。一面
牽制金川。數路進剿。小金川即可蕩平。其語
亦堪備採擇。然好事喜功之意。因此已見。我

皇上洞燭萬里。旋

收密加鈐束。預防其恃功驕恣。蓋不待臣福隆安讞

案上陳。而宋元俊之性情心術。已無不在

坐照中矣。

人相與至靈方各土司好尚既未周知此道

路遠近險易未料身照如宋元俊輩不得不

駕馭器使收其具使不得逞其技方為有益

宋元俊所奏用番文番語通各酋官臣民

坐照中矣

案上則而未示窮之封漸心漸日無不查

殊各賦命東所封其神也望悉蓋不特以

平定兩金川方畧卷之三十一

六口。癸酉。溫福豐昇額奏言。副都統富勒渾總兵李煦報稱。自五月二十二日起。連日大雨。至二十六日卯刻雨止。領兵遶過南山後面。分爲三路。衝進箐林。直抵大木柵前。攻擊有賊二百餘名。從兩旁林內突出。木柵內又衝出百餘名。俱被官兵奮勇擊敗。巳刻賊番絡繹而來。其山

腰林木叢深之處。又有百餘賊。并力衝擾。富勒
渾分兵接戰。殲斃十餘名。被傷二十餘名。其餘

逃入木柵。此次打仗。攻得賊卡二座。若將此處

木柵攻克。向下卽係木闌壩等語。又據牛天昇

等稱。已攻得山頂上第一碉。次攻第二碉。其賊

番所佔之對面山腰。雖極險峻。若密派勇趨官

兵。夜間爬越而登。往上攻擊第三碉。賊番必難

彼此相顧。臣温福卽於二十五日夜間。派兵二

百交與官達色。成德帶領約定一聽牛天昇處

施放信礮。卽從山腰爬上。向第三礮攻擊。又令

賡音素明仁寧珠布等帶兵從山腿向上攻擊。

以分賊勢。臣親率侍衛官兵前往接濟。二十六

日丑刻。官達色成德等帶兵密進。突然吶喊上

山。見賊番大卡之前。又有小石卡。卡內賊十餘

人。忽見我兵前進。齊來拒敵。殺斃三四名。餘俱
敗入大卡。官兵一面搶獲小石卡。一面進攻第
三礮。礮內賊番甚衆。放鎗甚緊。且別卡賊衆。俱
來救援。官兵悉力鏖戰。殺傷甚多。牛天昇等遂
向下攻擊。並奪取第二礮。賊番藏匿卡內。放鎗。
都司袁國璉。越衆先登。奮勇衝入。胸受鎗傷。陣
亡。亦將是卡攻克。正在攻打之間。大雨淋漓。因

將官兵暫撤。再牛天昇駐兵之處。山腰有一道

水泉。官兵資以飲汲。

臣

溫福每夜派兵埋伏防

守。二十六日亥時。兩旁林內有賊番二百餘。乘

雨欲佔此泉。因有伏兵擊退。追獲槍刀等物。天

明查看路上血跡甚多。

臣

溫福此時又辦一月

口糧。解送富勒渾李煦營盤。催令迅速領兵下

壓。

臣

亦夾攻南山賊眾。竭力辦理。

臣

豐昇額自

攻克東瑪哲木克。郭羅郭羅美羅喇嘛寺等寨。後親至色爾渠相度地勢。山寨四面並無水泉。又詢問鄂克什番人。供稱此寨無水。惟色爾渠以西約半里許。有泉可取。臣與馬彪商議。取此水泉。以絕賊番飲汲。遂於二十四日辰刻。派侍衛巴三泰等。帶領兵練四百名。前往擊殺。其看守賊番。收入色爾渠大寨。查看此泉甚小。派人

看守徒費兵力。鹽將火藥不潔之物。一並填塞

臣

又與馬彪等商議。官兵卽攻克色爾渠。仍須

攻獲美美寨。方可至鄂克什舊寨。反覺費力遲延。不如竟攻美美寨。俟克取後。再取色爾渠。我兵兩旁夾攻。賊番必難固守。公同商定。卽運巨礮至美美卡相近地方。察看礮牆東北兩面。修築甚堅。其西北寨牆較爲單薄。且山礮下又有

一泉。若在此安設二木卡。可斷賊番取水之路。
亦可將大礮。從旁斜擊。轟其西北寨牆。隨派兵
丁多伐木植。前進設卡。現在晝夜轟擊。俟牆稍
有塌壞。卽行奪取。再脫出鄂克什番人三名。錄
取供詞。卽交土司安插。

同日。溫福豐昇額又奏言。臣等查曾頭溝一路
進兵。逕搗賊番後路。於全局甚有裨益。但非漢

土官兵合力。恐不能深入。而統兵之員。亦必勇
敢可信。熟悉番情者。方可獨當此任。昨據文綬
咨稱。遵

旨預備之陝甘兵五千。已委署鎮佛遜等帶領起程。

查此項兵丁。前阿桂赴南路時。與_臣等面商。俟

其入川時。酌量西路南路。另行分撥。茲_臣等思

陝甘兵五千名內。其陝西二千。必從廣元入川。

前至成都。撥往南路。自爲捷便。至甘省兵三千。於固原。西寧。涼州。寧夏各處調派。若由鞏昌。階州。文縣。入川省之松潘。茂州。保縣。出口卽係三雜谷地方。計程不過二十餘日可到。殊多逕便。
臣等已飛札文綬。令從階。文。松潘一路前來。一月內外可以全到。臣等復恐土兵業已派定。剋期進發。若無官兵同進。未必得力。而坐待甘兵。

又不免於遲悞。因查松潘鎮逼近三雜谷。其所屬十二營。額設兵五千餘名。除現在出征及塘汛臺站坐藏各項存兵尙有一千三百餘名。臣等已飭令再挑五百名。又前因三雜谷未經派兵。曾令副將五福帶領兵練五百名。在校磨連界之撲頭地方駐扎防範。令三雜谷旣願出兵。應將五福所帶兵練合之松潘新調兵五百名。

交與遊擊沈寬守備袁敏。先行帶領督同土兵
進發。隨後有甘省兵接續。力量更爲充裕。至統

兵之員。遊擊沈寬等可以暫時帶領。將來甘省

兵到。雖有原派之署鎮佛遜。然於此地情形未

必熟悉。董天弼於番境諸事。歷練最久。足資統

率。臣等擬俟甘省兵一有抵川之信。卽令董天

弼由彼就近馳往。同佛遜帶領官兵續進。再現

今所調之松潘兵。及將來續調之甘省兵。皆從
三雜谷境內行走。必須預爲駕馭。將過兵事宜。
妥協經理。方使番情安帖。官兵亦遄行無滯。查
查禮係派在西路總理糧運之員。三雜谷是其
所屬。該道熟悉番情。向稱幹練。當令其前赴松
茂。及三雜谷地方。辦理兵行沿途事務。並卽督
催運送兵糧軍火等項。至臣等軍營。應有專辦

糧務大員。已調建昌道白瀛接辦。均奏入。

上諭軍機大臣曰。溫福奏到脫出鄂克什番民供單。內章喀爾供稱。僧格桑聞官兵佔住瑪爾迪克山梁。恐力量堵禦不住。差人往金川求助。派兵合同抵拒。如不能衝動瑪爾迪克官兵。就從阿喀木雅溝內繞出。截斷官兵後路。而羅卜藏供亦稱。僧格桑分付衆頭人。說策卜丹是最緊要隘口。斷失不

得已遣頭人往金川借兵。若能截得官兵後路。更
好等語。此事甚有關係。我兵方銳意進攻。後路未
能準備嚴密。萬一稍有疎虞。則瑪爾迪克一路。甚
爲可慮。溫福此時務須實力籌畫。分派嚴防。以杜
賊人妄想。或並於後路要隘。設伏預備。若有賊至。
卽奮力殲擊。使賊衆喪膽。不敢復萌窺伺。方爲妥
善。至瑪爾迪克山梁。富勒渾等在彼攻打。兵力尙

不免單弱。今僧格桑既往金川求助。設果更添賊衆。此山梁不可不用兵合擊。查閱圖內。現在牛天畀攻得大木柵。及第二木柵。此下五卡。亦俱爲官兵據守。所餘西面一帶卡柵。未得者止有七處。似可以次攻取。此時若已全行攻克固善。卽或尙存數卡未攻。俱相近官兵防守之地。無難照料。或竟令牛天畀移兵往瑪爾迪克幫助富勒渾。使官兵

聲勢愈壯。剿禦更爲得力。若能攻得瑪爾迪克賊
寨。則分路進攻木蘭壩。及鄂克什舊寨。勢皆自上
而下。賊自難於支拒。較他路似稍有力。此就溫福
奏到之圖。約計如此。其是否可行。著溫福按該處
實在情形。妥酌爲之。再官兵攻一礮卡。動輒經時。
殊爲非計。因思賊人卡柵。俱臨時設以抗拒。必不
能各處俱有屯積。及預爲汲飲之資。自不得不仗

他處運糧送水。若能斷其糧路水路。使守卡之賊。飲食匱乏。自必疲勞潰散。較之用力攻碉。不啻事半功倍。卽云碉卡多據隘口。我兵祇攻其前。難以繞出其後。然圖中所繪碉卡。子立無依者頗不少。其四面必有一路可通糧水。縱使仄徑單微。賊能往我亦能往。或憑高設卡瞭望。用鎗遙擊。斷其行踪。賊計復將安逞。著溫福留心酌量妥辦。又另摺

奏籌辦曾頭溝進剿。令董天弼帶兵之處。所辦甚好。與朕前降諭旨相符。至董天弼接辦巡查資哩至巴朗拉一帶糧運事宜。雖亦關係緊要。但得一精細勤妥之人。即可勝任。著溫福照前旨酌量妥辦。

上又諭軍機大臣曰。溫福等奏攻克色爾渠後。仍須攻取美美寨。始可抵鄂克什舊寨。今若先攻美美

寨絕其水道。自屬易取。亦係用兵之計。他寨如有
似此應行絕水之處。亦照此絕其汲飲。方爲有益。
著溫福等酌量籌辦。

上又諭內閣曰。溫福等奏分撥官兵。奪取賊番石卡。
都司袁國璉。首先奮勇。受傷陣亡。甚屬可憫。著交
部議卹。仍將此次打仗陣亡受傷兵練。查明造冊

送部。照例議卹。

欽此。令董天泗帶兵之數。而辦好。

上又諭軍機大臣曰。兩金川賊番所用火藥。得自何處。何以竟不缺乏。若番地所產硝磺。自難禁其陸續配製。設使仰藉外來購買。現當征剿緊要之時。更應嚴禁漏洩。著傳諭阿爾泰。嚴飭所屬。於沿邊通番關隘。實力盤詰巡查。毋許絲毫透漏。仍將番地因何得有火藥緣由。據實速奏。

六月丙子。

上諭軍機大臣曰。文綬奏陝甘第五次赴川官兵五千名。准溫福等咨調。已於五月二十八等日。接踵起程。至續奏預備之五千名。亦已選派齊全。一俟川省咨文到日。即可迅速進行等語。現在西南兩路軍營。調到貴州兵共八千名。陝甘兵共一萬七千名。用以征剿小金川。已不爲少。至將來併剿金川時。分路較多。尤當厚集兵力。著傳諭溫福阿桂

等。速爲籌議。如果必須多兵。與其臨時撥調。莫如先事預圖。不但陝甘預備之五千可以早調。至湖廣所備之五千。亦不妨卽行調往。但須約定兩路各需用若干。通知派兵省分。檄飭帶兵之員。就便取道前往。更爲捷速。

已卯。

上諭內閣曰。陝西延綏鎮總兵員缺。著富紳補授。

庚辰。溫福豐昇額奏言。臣等欽奉

上諭。查番地氣候不齊。往往數十里之內。一二時之間。陰晴寒暖。迥不相同。此地官兵進剿。惟在佔據山梁。而高嶺多風。夜寒倍厲。又值雨水時行。此皆事所常有。至時當盛夏。而連日大雪。又或雷電水雹。倏忽交加。雖係賊番札答所致。但官兵等經歷既多。絕無恐怖退阻之心。誠如

聖諭見怪不怪其怪自敗。臣等現復詳切曉諭令將

士共知此意軍營自不致有妨。惟是西路官兵。

自上年臘月分上南北兩山迄今已歷半年山

梁陡仄本無平曠之地且須審擇要隘攻剿勢

不能多帶帳房兵丁不免露處從前蒙

恩頒賞黔兵皮褂歷時既久漸次敝壞當連陰積雨

之時臣等目擊情形實覺可憫查川省松潘建

昌二處所出羊毛氈片。質地堅厚。製爲斗篷帽
罩。既可遮蔽雨雪。不至透漏。而夜間墊蓋。又可
禦寒。現在川兵內有攜帶至營者。殊爲得用。且
詢問採買尙屬易辦。每套不過值銀兩數。臣等
已飭松茂道查禮。按照市價。迅速製買一萬件。
趕運軍營。按名分給。如有多餘。則南路兵丁亦
可分撥備用。其價值若干。俟該道辦齊。卽於軍

需項下動支發給。番境多雨雪之地。旣足以資
備禦。而兵丁等仰沐

皇仁。感深挾纊。於攻勦機宜。自更有益。再賊番以偷
劫營盤抄截後路爲慣技。節據脫出番人所供。
有僧格桑借兵金川來奪瑪爾迪克山梁。又有
從阿喀木雅山溝。截斷大營後路等語。查現在
兩山梁打仗兵丁外。餘兵原不爲多。但防範後

路。保護糧臺。更關緊要。是以_臣等自攻過巴朗
拉。每得一處。卽於險要處所。酌留兵弁。分布卡
巡。偶遇夜雨天黑。益加謹慎。似可不致疎虞。至
火藥爲軍中要務。近因軍需局辦運不敷。正在
嚴檄催辦。其營中存貯。及各兵攜帶火藥。時令
留心防護。每遇陰雨潮濕。加緊收拾。必不致臨
時難用。奏入。報

聞。

同日。溫福豐昇額。又奏言。據副都統富勒渾。總兵李煦報稱。賊於深林內。連蓋木卡三座。查看道路。必三路進兵。方能攻取。五月三十日子時。令巴圖魯侍衛阿爾蘇納。領兵一隊。由南邊山溝下。至對面山根。潛入深林。繞過木卡之後。又令富勒渾等。領兵分兩路。下攻。亦至近卡處。拋

擲火彈。合力攻入。佔住木卡。三路之兵。會爲一處。前進圍困大木柵。賊從柵內放鎗禦擊。又衝出三百餘人抵敵。兩旁又來賊番數百接應。林箐甚密。不便放鎗。官兵衝入賊隊。刀矛短接。鏖戰多時。斃賊數百名。餘俱逃入大木柵內。放鎗拋石。不復出戰。現同富勒渾等商議。繞過大木柵。設立十餘卡。以斷賊番來援之路。庶可夾攻。

六月初二日。富勒渾領兵繞往鞏卡。有賊百餘
前來斷路。富勒渾一面領兵迎戰。一面立起一
卡。今卽照此辦理。庶賊番伎倆更無所施。先是
富勒渾繞山時。因後路緊要。遂於貢噶地方。並
對面山梁上連設數卡。令巴圖魯章京德保等
帶兵防禦。五月二十九日夜。有賊二百餘來衝
把總馮天祿所守之卡。經馮天祿領兵擊退。六

月初一日夜。又三百餘賊。侵犯德保所守之卡。
又經德保領兵擊退。殲戮甚多。臣溫福復令總

兵牛天昇等。領兵奪取南山頂上第二卡。令巴

圖魯前鋒叅領官達色等。領兵從對面山上攻

取第三卡。令侍衛賡音素叅將成德。侍衛明仁

寧珠布等。領兵仰攻。以分賊勢。均有殺傷。臣溫

福務將南山賊眾。礮卡盡行搶奪。竭力辦理。至

臣豐昇額攻克東瑪等寨後。前逼美美寨。用礮轟擊。已將大礮摧毀一半。賊番又於礮旁下掘深溝。外築厚牆。須移大礮旁轟。庶可摧破。臣隨令侍衛新達蘇花連保。護軍校伊薩納等。不分晝夜。放礮轟擊。至六月初二日。礮牆已摧一半。賊番又於對面依山。連挖三溝。悉衆藏匿。官兵若攻奪礮寨。賊從溝內放鎗。官兵若近溝擊斃。

賊番又從礪寨放鎗擊拒。上下相接。以圖固守。

臣

與馬彪等商議官兵須從賊寨兩旁繞過仰
攻。又派兵下壓。庶可有益。隨派侍衛佛倫泰章
京佛進泰。都司辛大勇等先領兵三百名。從中
路攻打賊寨。又派侍衛巴三泰領兵二百。從左
邊進擊第一溝。徑取左邊大礪。千總萬和領兵
接濟。又派侍衛烏什哈達。都司馬詔蛟領兵二

百。從石邊進擊第二第三溝。徑取右邊大礮。于
總羅江鱗。領兵接應。又派侍衛彰靄。領兵一百。
並帶劈山礮位。至喇嘛寺山腿。以迎別斯滿來
援之賊。遊擊全福。守備王廷玉等。領兵四百。佔
據兩旁山梁。臣豐昇額。馬彪。領兵三百。酌看兩
旁兵丁。遶過仰攻情形。相機下壓。初三日申刻。
適副都統海蘭察來營。隨令同帶官兵下壓。初

四日黎明。臣等至美美寨前。一放信礮。各隊均

到所指之處。賊番雖從溝內放鎗。官兵奮勇上前。奪寨者登寨擲石下擊。近溝者向溝拋擲火彈。焚燒賊衆。從寨內溝內躍出死戰。官兵盡力勦殺。餘俱受傷敗散。至別斯滿來援賊番百餘。亦經彰靄用礮轟打。不敢前進。俱各遁回。此寨下面。約隔一二里。尚有木拉古阿洞達爾裕克。

郭舒哲迪達爾結巴拉普爾瑪哲木錫色爾多喀斯博阿喀爾嘉爾薩莫爾別濟等十三寨若不乘此勝兵攻取。又需時日。臣豐昇額領兵攻擊西邊所有碉寨。海蘭察馬彪等領兵攻奪東邊所有碉寨。此內賊番知大碉已經失守。又見臣等分兵衝擊。呼聲四合。心已驚惶。放鎗數次。隨卽敗逃。所獲碉寨或留兵把守。或卽令拆毀。

臣等相度美美卡一帶。連設三碉。得此三碉。庶
可克取美美卡。臣等帶領官兵。連攻二次。碉內
放鎗甚緊。不免損傷。因思官兵竟日攻戰。已克
數碉。應使歇息。整頓再戰。隨將兵撤回。再現在
脫回明正番人一名。訊取供詞。卽交該土司安

插

溫福豐昇額又奏言。六月初四日。副都統富勒

渾連日打仗過於勞瘁。病症復發。嘔血身故。臣等查富勒渾領兵佔據瑪爾迪克山梁。此路最關緊要。所有兵四千名。應須滿洲大臣統領。臣等已令副都統海蘭察前往帶領其兵。

同日。溫福豐昇額又奏言。此次攻取美美等寨。官兵雖各出力。其最爲奮勉者。莫如都司馬詔蛟。辛大勇。已將花翎賞給戴用。

溫福豐昇額又奏言。查從前投誠番人楊素。及
此次投誠之番人彤錫等。俱蒙

恩賞戴花翎。土練士兵。無不深爲羨慕。是以歷次打

仗。伊等奮勇直前。茲查攻取東瑪時。有委署土

都司巴勒達爾吉日朋。手殲賊衆。並擒活口。此

次攻取美美寨。巴勒達爾吉日朋較衆更爲奮

勉。至富勒渾等。佔據山峯高頂。連奪各卡時。委

署土守備穆塔爾。首先殺賊奪卡。亦屬出力。臣

等將巴勒達爾吉日朋。穆塔爾二人。俱賞藍翎。

嗣後土兵內。有似此超異者。照此辦理。均奏入。

上諭軍機大臣曰。溫福等奏於南北兩山打仗。雖俱

擊敗賊番。奪獲碉卡。並未攻克美美卡木闌壩。前

至鄂克什舊寨。朕深爲煩悶。佇望伊等捷音。溫福

豐昇額。惟當鼓勵官兵。速圖攻取。直搗賊會巢穴。

再賊番敢於常出侵擾。擊敗時又復進卡死守。殊
爲奸猾可恨。必係索諾木所派賊番。暗助小金川。
朕從前寬其洗滅。准其投誠。仍得安居本地。原屬
施恩格外。今索諾木並不感恩。反敢協助小金川。
抗拒天朝。愈爲可恨。斷不可復加寬宥。著傳諭溫
福等。務須擒獲僧格桑。索諾木。始可完事。脫漏一
人。亦不可謂之蕝事。溫福。阿桂。加意勉之。再溫福

等將超異出力之都司馬詔蛟辛大勇賞戴孔雀翎。委署土都司巴勒達爾吉日朋。委署土守備穆塔爾。賞戴藍翎。深得鼓勵官兵之道。嗣後有似此超衆出力者。卽一體賞戴。再官兵奪取碉卡亦俱盡力。著溫福豐昇額。將陣亡受傷及出力人員。查明造冊。送部議敘。

上又諭內閣曰。富勒渾自抵軍營。奪碉殺賊。諸凡奮

勉。今忽病故。深堪軫惜。著照伍三秦之例。加恩議敘。仍俟伊子服滿之日。帶領引見。

同日。溫福。豐昇額。又奏言。臣等接奉臣人員查

諭旨。令檄知哈國興。董天弼。帶領陝甘兵丁。進取底

木達布朗郭宗。臣等思哈國興。熟於帶兵。自可

得力。但現在南北兩山分路攻剿。臣豐昇額在

北山統兵。已有馬彪額。森特。幫同籌辦。其南山

牛天畀。佔據喇卜楚克山梁。正在向下攻勦。正
等前撥兵四千餘名。繞上雪山。進據瑪爾迪克
山梁。連次攻得碉卡。此山在喇卜楚克南數十
里。訪得該處有三路。一可下至木蘭壩。一可下
至鄂克什舊寨。其傍通之山名策卜丹。又可直
通美諾。現在官兵於三路要口分布勦擊。惟緣
木蘭壩鄂克什分路處。箐林叢密。賊番於林內

築有大木柵數座。抵禦官兵。屢經攻撲。未能衝

壓直下。

臣

等思策卜丹可通美諾。雖據鄂克什

番人稱此路亦有林箐。礮卡尤多。然揆度事機。

若再於此分兵一隊。令哈國興統領前進。逕取

美諾。而南北兩山官兵。又分取木闌壩。美美卡

鄂克什舊寨。如此分路進攻。賊番雖有金川添

助之兵。亦不能四處抗拒。自更易於得手。且查

第四次續調之陝甘兵三千名。昨據文綬咨。仍由成都行走。來赴西路。是以臣等另派第五次預備之甘省兵三千名。由松潘逕赴三雜谷。其現今將到西路之陝甘兵。約可與哈國興同時到營。可資分路進剿之用。臣等現在如此籌議。所有會頭溝一路。已專委董天弼。似可無庸再派哈國興前往奏入。

上諭曰。皆合機宜。勉力爲之。

同日。溫福。豐昇。額。又奏言。臣等查征兵向例。皆

有餘丁。以供樵汲。黔兵向在滇省出征。照滇省

例。給與馱載。不帶餘丁。及至由滇赴川。所有軍

裝口糧等項。征兵不能兼顧。而川省軍需局。又

未將應照何例。查明酌辦。臣溫福。飭令查議。未

據覆到。彼時因進兵緊急。經總理糧務之松茂

道查禮。酌議每兵百名。給長夫四十名。以濟急

需。嗣據軍需局詳稱。舊例並無隨營長夫。綠營

官兵。每一二名。應折給馱馬鞍屨銀八兩六錢零。

令於軍營僱夫背運。臣溫福以既有折銀之例。

黔兵至成都時。卽應按例給發。俾其內地雇夫。

今於大兵深入之後。令在番地軍營自行僱用。

勢旣難行。且陝甘兵旣給馱載。又有餘丁。而黔

兵獨無。亦覺偏枯失當。又經飭局再議。日久不覆。其後該局稟稱。黔兵既無餘丁。應照黔省出師之例。按餘丁數目。每兵百名。給與長夫三十名。乃近復據查禮稟稱。奉有桂林手札。隨營長夫。究須全撤。是長夫一項。忽給忽停。數月之間。議已三變。承辦之員。礙難辦理。至於現在官兵深入賊境。勢難裹帶多糧。一撤長夫。又應作何

辦理不致貽誤軍糈。若不卽速議定。軍營益無
所適從。奏入。

上勅軍機大臣速議具奏。當經覆奏言。查兵丁進剿
所需。負任樵汲之役。自應照例妥辦。今川省節
次調到黔兵。旣未帶有餘丁。歷經溫福飭議。該
局屢易其說。致軍營無所適從。實屬經理不善。
但現在黔兵隨營進剿。運送薪水。事事需人。旣

給長夫。自不便撤。臣等公同酌議。該省軍需局

所議。照黔省出師例。按餘丁數目。每兵百名。給長夫三十名之處。尙屬平允。自應仍行給與。則較之陝甘。旣不致偏枯。而承辦之員。亦知所遵

守矣。奏入。

上從之。

同日。溫福。豐昇。額又奏言。護軍統領舒常。於初

四日到營。查北山滿洲大臣。惟豐昇額一人。應令舒常協同辦理。奏入報。

聞。

同日

上又諭軍機大臣曰。李煦在川省軍營。頗爲出力。今拜凌阿陞授江寧將軍。卽用李煦爲貴州提督。俟軍務告竣。再赴新任。著溫福傳諭該提督。俾益知

感奮自勵。至古州總兵員缺。著溫福阿桂於川省
軍營之貴州副將內查明出力人員堪勝總兵者。
卽行奏聞。候朕酌量補放。